



Uunga
Inatsisartunut ilaasortaq
Jess Svane
Siumut

09-06-2021
Suliap normua 2021-10631
Akt. id. 16950226

Postboks 260
3900 Nuuk
Tlf (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Ulloq unnuarlu paaqqinnittarfiit pillugit § 37 naapertorlugu apeqqummut nr. 059/2021-mut akissut

Asasara Jess Svane.

Aallaqqaasiullugu apeqqutinnut qujaffigerusuppakkit.

Apeqqutit ataani uteqqinneqarput akissummillu kinguneqartinneqarlutik.

1. Ulloq unnuarlu meeqqanut inssiisarfiit annertusiartuinnartinnginnissaat siunertaralugu Naalakkersuisut qanoq pilersaaruteqarpat?

Meeqqap inuunerani ilaqutariit tassaasut tunngaviit pingaarnersaat Naalakkersuisut isumaqarput. Taamaattumik meeqqat toqqissisimasumik angajoqqaaminni peroriartornissaat pillugit suut tamaasa atorlugit politikkitsinni suliaqassaagut.

Meeqqat amerlasuut ulloq unnuarlu paaqqinnittarfimmiitinneqarnissamik pisariaqartitsisut ullumikkut takusinnaavarput. Tamanna pitsaaliussagutsigu, suliniutit assigiinngitsorpassuit pisariaqartippagut, matumani ernumasoqartoqarnialeriarloq akuleruttoqartarnissaa ilanngullugu, tamannalu kommunini suliassanik suliarinnittarnerup patajaallisarneqarnerata massakkumut naleqqiullugu ukkatarineqarnerunissaanik kinguneqarpoq. Tamatuma saniatigut pitsaaliuineramik suliniuteqarnikkut, suliniutit ilaqutariinnut aarlarinartorsiortunut toraagarinnittut suliniutiginerisigut, ilaqutariinnut paarsisartunut suliaqarfiup patajaallisarneratigut aamma meeqqanut ulloq unnuarlu paaqqinnittarfimmut pisunut katsorsaanermik suliniuteqarnerup patajaallisarneqarneratigut tamanna pissaaq.

Maannakkorpiaq Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneranni kommunit sulianik suliarinnittarnerisa pitsanngorsarnerannik suliaqartoqarpoq. Sulianik suliarinnittarnerut ikiorneqarnermit misilittagaagallartut pitsaapput sulianillu suliarinnittartut ataatsimut isiginnissinnaalersimasut takutippaat, kiisalu assigiimmik aqqissuussamillu sulianik suliaqartalernissamik



periarfissiillutik. Sulianik suliarinninnermik ikorfartuinnermik suliaqarnerup suli patajaallisaavigineqarnissaa Naalakkersuisut sulissutigiumavaat.

Tamatuma saniatigut ilaqutariinnut paarsisartunut suliassaqrarfiup patajaallisarneqarnissaa Naalakkersuisut ukkatarerusuppaat. Maannakkut VIVE-p (Det Nationale Forsknings- og Analysecenter for Velfærd-p) suliassaqrarfik misissueqqissaarfigileruttorpaat. Aggustip aallartinnerani taanna saqqummiunneqassasoq naatsorsuutigineqarpoq. Taanna aallaavigalugu kommunit ilaqutariinnik paarsisartunik suleqateqarneri pillugit Isumaginninnermut Aqutsisoqarfiup qanoq ililluni pitsaanerpaamik ikorfartuisinnaanera pillugu Naalakkersuisut kommunit oqaloqatiginiarpaat.

Tamatuma saniatigut apeqqutip 2-p ataani allaaserineqartutut meeqqanut taakkulu ilaqutaannut pitsaaliuinnermik suliaqarneq tamakkiisumillu isiginnittumik suliniuteqarneq Naalakkersuisut ukkataraat.

2. Ilaqutariit avissaartuutsinnagit nukittorsarfigisinnaasannik pilersitsinissaq pilersaarutaava?

Ilaqutariinnut katsorsaavinnik pilersitsinissaq Naalakkersuisut pilersaarutigingilaat.

Tassunga taarsiullugu ilaqutariinnut sullissiviit pioreersut ikorfartorneqarnissaat ineriartortinneqarnissaallu pillugit Naalakkersuisut kommunit suleqatigiumavaat, taamaalilluni taakku suliniutit ilaqutariinnut sammitinneqartut patajaallisaaviginiassammattigit. Piffissaq eqqorlugu ilaqutariinnullu sammititamik suliniuteqarneq aqputigalugit ilaqutariit aarlerinartorsiortut patajaallisarnissaat anguniagaavoq.

Ilaqutariinnut sullissivinnik misissueqqissaarneq massakkut ingerlanneqarpoq. 2022-p aallartinnerani suliap taassuma naammassineqarnissaa naatsorsuutigineqarpoq. Ilaqutariinnut sullissiviit neqeroorutaat aamma suliassaqrarfimmi suliaqartunik allanik suleqatiginninnerat, kiisalu ilaqutariinnut sullissiviit qanoq ilillutik Angajoqqaat meeqqaminnik sumiginnaasarnerat akiorniarlugu nuna tamakkerlugu Naalakkersuisut iliuusissanut pilersaarutaanni aamma Kalaallit Nunaanni meeqqanut inuusuttunullu atugarliortunut suliniut patajaallisarneqarnissaat pillugit kalaallit- qallunaallu oqartussaasoqarfiisa assiginnigitsunik suliallit akornanni suleqatigiinnermi anguniakkanik naammassisinnaaneri pillugit nalilersuinerup allaaserineqarnissaa tassani siunertaavoq. Tamatuma peqatigisaannik isumaginninnermut aqutsisoqarfimmit ikorfartuinnermik suliniutit suut kommuninit pisariaqartinneqarnerisut pillugit taakku oqaloqatigineqarnissaannut misissueqqissaarnermi tassani inerniliussat tunngaviliisussaapput.

3. Ulloq unnuarlu inissiisarfinnut akiliutaasut assigiinneqisut Naalakkersuisunit nalilersuivigineqarnissaat pilersaarutaava?

Ulloq unnuarlu paaqqinnittarfinnut akigitat Naalakkersuisut ukkataraat, taakkulu pillugit kommunit oqaloqatigineqartarput.



Ineqartut unammilligassaasa qanoq ittuunerannut, neqeroorutip pitsaassusaanut aamma atorfiit akuerisaareersut qassiunissaannik piumasaqaatinut ulloq unnuarlu paaqqinnittarfinnut akigititat attuumassuteqarluinnarmata taamaattoq oqaatigineqassaaq.

Inussiarnersumik inuulluaqqusillunga

Eqaluk Høegh